



UNIVERSITÄTS-  
BIBLIOTHEK  
PADERBORN

# **Stella Benedictina Sive Regula Sanctissimi Patris Nostri Benedicti**

**Meyenschein, Benedikt**

**Hildesii, 1725**

**VD18 10311831**

Prologus invitans ad observantiam mandatorum. Eja age nate redi,  
præceptis Patris obedi: Crede, per hasce scholas tutus ad astra volas.

---

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)





I. JAN. 2. MAJI. I. SEPTEMBR.

## Incipit Prologus in Regulam Ss. Patris nostri BENEDICTI.

**A**usculta *a* o fili praecepta Ma-  
gistri *b*, & inclina aurem cor-  
dis tui *c*, & admonitionem pii  
Patris libenter excipe, & efficaciter com-  
ple, ut ad eum *d* per obedientiae labo-  
rem redeas, à quo per inobedientiae de-  
fidiam recesseras *e*. Ad te ergo nunc  
meus sermo dirigitur, quisquis abrenun-  
cians *f* propriis voluntatibus *g*, Domi-  
no Christo vero Regi militaturus *h*, obe-  
dientiae fortissima atque praeclara arma *i*  
assumis. Imprimis, ut quidquid agen-  
dum inchoas bonum, ab eo perfici instan-  
tissimam oratione deposcas; ut, qui nos  
jam in filiorum dignatus est numero  
computare, non debeat aliquando de  
malis actibus nostris contristari. Ita  
enim ei omni tempore de bonis suis / in  
A nobis



nobis parendum est, ut non solum ut iratus Pater non aliquando filios suos exhaeret *m*, sed nec ut metuendus Dominus irritatus malis nostris, ut nequissimos seruos perpetuam tradat ad poenam, qui eum sequi noluerint ad gloriam.

- a) *Id est diligenter attende*
- b) *Putat, caelestis, seu Dei, iuxta Smaragdum & Petrum Damiani dicentes, aliter num esse ab humilitate S. BENEDICTI ut se vocet Magistrum & pium Patrem. Idem contra Perez & alios confirmatur ex conclusione Prologi: ut ab ipsius Magisterio, &c.*
- c) *Id est, promptum te & avidum praebe discendum & obediendum. Ex Origene Hom. 9. in Joannem.*
- d) *Scilicet Deum.*
- e) *Intellige, in Protoparentibus legi Dei in Paradiso refragantibus; vel etiam per peccata propria.*
- f) *Id est, plenè abdicans vel deponens.*
- g) *Sive propriae voluntatis affectibus.*
- h) *Putat, militiam spirituali sub vexillo Crucis contra Sathanam & asseclas ejus.*

Qui



i) *Quia Vir obediens loquetur victorias,*  
*Proverb. 21.*

l) *Id est, quantum ad bona seu gratias Di-*  
*vinas nobis ab illo concessas.*

m) *Id est, priver hereditate gloriae caelestis.*

2. JAN. 3. MAJI. 2. SEPTEMB.

**E**xurgamus ergo tandem aliquando,  
excitante nos Scripturâ ac dicente *a*:  
Hora *b* est jam nos de fomno *c* surge-  
re. Et apertis oculis nostris *d* ad Dei-  
ficum *e* lumen, attónitis auribus audia-  
mus, Divina quotidie clamans quid nos  
admoneat vox, dicens *f*: Hodie si vo-  
cem ejus audiêritis, nolite obdurare cor-  
da vestra. Et iterum *g*: Qui habet au-  
res audiendi, audiat, quid Spiritus *h*  
dicat Ecclesiis *i*. Et quid dicit? Venite  
filii, audite me, timorem Domini doce-  
bo vos *l*. Currite *m*, dum lumen vi-  
tæ habetis *n*, nè tenebræ mortis vos  
comprehendant

a) *Rom. 13.*

b) *Sive tempus est, ut surgamus.*

c) *Subintellige, teporis aut vitiorrum.*

A 2

d) *Nora*



- d) *Non corporis, sed animi.*  
 e) *Idem, quod Divinum seu Divinae naturae consortes faciens.*  
 f) *Per os Davidis Psalm. 94.*  
 g) *Apoc. 2. & 3. Vocem verò audiendi (id est, ad audiendum promptas) adjecit S. P. ex Matthæo, &c.*  
 h) *Subaudi, Sanctus.*  
 i) *Hoc est, membrum Ecclesiae, vel Congregationibus fidelium.*  
 l) *Ex Psalm. 33.*  
 m) *Vulgata Joann. 12. legit ambulate pro quo S. P. rectè substituit currite; ubi enim Christianorum est ambulare viam mandatorum & consiliorum Dei, ibi Religiosorum est currere.*  
 n) *Id est, quamdiu habetis Christum per gratiam.*

3. JAN. 4. MAJI. 3. SEPTEMB.

**E**t quærens Dominus in multitudinem populi, cui hæc clamat, operarium suum, iterum dicit *a*: *Quis est homo qui vult vitam, & cupit videre dies bonos? Quod si tu audiens respondeas: Ego dicit tibi Deus: si vis habere veram &*  
 per



perpetuam vitam, pròhibe linguam tuam à malo, & labia tua nè loquantur dolum. Diverte à malo, & fac bonum; inquire pacem, & persequere eam *b*. Et cùm hæc feceritis, oculi mei super vos, & aures meæ ad preces vestras *c*. Et antequam me invocetis, dicam: ecce adsum. Quid dulcius nobis hac voce Domini invitantis nos Fratres charissimi? Ecce pietate *d* suâ demonstrat nobis Dominus viam vitæ. Succinctis ergo fide *e* & observantiâ bonorum actuum lumbis nostris, & calceatis pedibus *f* in præparationem Evangelii pacis *g*, per ducatum *h* Evangelii pergamus itinera ejus, ut mereamur eum, qui nos vocavit, in regno suo videre. In cujus regni tabernaculo si volumus habitare, nisi illuc bonis actibus curratur, minimè pervenitur.

a) *Psalm. 33.*

b) *Id est, cura, ut habeas & constanter teneas pacem; cum Deo nimirum ac proximo, & tecum ipso, nihil agendo contra Deum, nihil contra proximum, nihil contra propriam conscientiam.*



- c) *Haecenus pleraque ex Psalm. cit. Sequentia verò applicata sunt ex cap. 58. Isaia.*
- d) *Seu bonitate.*
- e) *Pulchra allusio ad verba illa Isaia de Christo: Et erit iustitia cingulum lumborum ejus, & fides cinctorium renum ejus. Conjungit verò S. P. fidem & observantiam bonorum actuum, quia fides sinè operibus mortua est, & opera sinè fide vacua. Ità Smaragdus Abbas híc.*
- f) *Ex Apostolo ad Ephes. 6. Porrò calceamenta, utpote quæ fiunt ex pellibus mortuorum animalium, mysticè significant memoriam mortis, ex S. Hilario; mortificationem, ex Nyssæno; exempla Patrum jam defunctorum, ex S. Anselmo & Ruperto: pedes verò affectus animi, ex iisdem.*
- g) *Id est, juxta S. Chrysof. Theophylact. &c. Pro habendâ majori promptitudine & alacritate animi ad observantiam & prædicationem Evangelii, pacem secum ferentis.*
- h) *Sive secundum ductum ac directionem; hanc enim præter ductum importat ducatus, ex Varrone.*



4. JAN. 5. MAJI. 4. SEPTEMB.

**S**ed interrogemus cum Prophetâ *a* Dominum, dicentes ei: Domine quis habitabit in tabernaculo tuo *b*, aut quis requiescet in monte sancto tuo? Post hanc interrogationem, Fratres, audiamus Dominum respondentem, & ostendentem nobis viam ipsius tabernaculi, ac dicentem: Qui ingreditur sinè maculâ *c*, & operatur justitiam; qui loquitur veritatem in corde suo, qui non egit dolum in linguâ suâ; qui non fecit proximo suo malum, & opprobrium non accepit *d* adversus proximum suum; qui malignum diabolum, aliqua suadentem sibi, cum ipsâ suafione suâ à conspectibus cordis sui respuens *e* deduxit ad nihilum, & parvulos *f* cogitatus ejus tenuit *g*, & allisit, ad Christum. *h*

a) Davide, Psalm. 14.

b) Intellige, cœlesti.

c) Id est, qui vitam transigit sinè maculâ peccati.

d) Hoc est, non acceptavit, non approbavit.

A 4

dum



dum audiit; vel, ut habetur in Hebraico & Chaldaico, non sustinuit fieri contra proximum.

- e) Id est, à corde penitus repellens, nec volens quidem aspicere aut attendere.
- f) Id est, primos motus ac suggestiones à diabolo immissas.
- g) Hoc est, continuit, nè ultra procederent.
- h) Allusio ad verba Psalmi 136. Beatus, qui tenebit & allidet parvulos tuos ad petram.

5. JAN. 6. MAJI. 5. SEPTEMB.

Qui timentes Dominum, de bonâ observantiâ suâ non se reddunt elatos; sed ipsa in se a bona non à se b posse c, sed à Domino fieri existimantes, operantem in se Dominum magnificent d, illud cum Prophetâ e dicentes: Non nobis Domine, non nobis, sed nomini tuo da gloriam. Sicut nec Paulus Apostolus de prædicatione suâ sibi aliquid imputavit, dicens f: Gratiâ Dei sum id, quod sum. Et iterum ipse dicit g: Qui gloriatur, in Domino gloriatur. Unde h & Dominus, in Evangelio i ait: Qui au-  
dit



dit verba mea hæc, & facit ea, similabo eum viro sapienti, qui ædificavit domum suam supra petram: venerunt flumina, flaverunt venti, & impegerunt in domum illam, & non cecidit; fundata enim erat supra petram. Hæc complens / Dominus expectat quotidie, his suis sanctis monitis *m* factis nos respondere debere.

- a) *Subintellige, habita vel comperta.*
- b) *Id est, ex propriis viribus naturæ.*
- c) *Subintellige ex membro sequenti, fieri.*
- d) *Id est, magni faciunt, benedicunt, glorificant.*
- e) *Davide, Psalm. 113.*
- f) *1 Cor. 15.*
- g) *1 Cor. 1. & 2 Cor. 10.*
- h) *Particula ista causalis non cadit præcisè super lectionem præsentem, sed super omnia bona in præcedentibus enumerata.*
- i) *Matth. 7.*
- l) *Id est, hoc modo finiens responsionem suam de habitatore tabernaculi cælestis.*
- m) *Priora verba sunt in dativo, factis in ablativo: & sensus est, ut sic reipsâ agamus, sicut ille sanctè monuit.*



6. JAN. 7. MAJI. 6. SEPTEMB.

**I**deo nobis propter emendationem malorum, hujus vitæ dies ad inducias relaxantur, dicente Apostolo *b*: An nescis, quia patientia Dei ad pœnitentiam te adducit? Nam pius Dominus dicit *c*: Nolo mortem peccatoris; sed ut convertatur, & vivat. Cùm ergo interrogassemus Dominum, Fratres, de habitatore tabernaculi ejus, audivimus habitandi *d* præceptum: Sed si compleamus habitatoris *e* officium, erimus hæredes regni cœlorum. Ergo præparanda sunt corda nostra & corpora, sanctæ præceptorum obedientiæ militatura: & quod minus *f* habet in nobis natura possibile, rogemus Dominum, ut gratiæ suæ jubeat nobis adjutorium ministrare *g*. Et si fugientes gehennæ pœnas ad vitam perpetuam volumus pervenire, dum adhuc vacat *h*, & in hoc corpore fumus, & hæc omnia per hanc lucis viam *i* vacat *l* implere, currendum *m* & agendum est modò, quod in perpetuum nobis expediat.

a) Id



- a) *Id est, prolongantur.*  
 b) *Rom. 2.*  
 c) *Apud Ezechielem cap. 33.*  
 d) *Id est, quid agere debeat, qui ibi vult habitare.*  
 e) *Id est, habitare ibi volentis.*  
 f) *Eleganter pro non, vel non satis.*  
 g) *Alii legunt, ministrari, alii adjutorio ministrari, subintellige, illud, quod natura nostra ex viribus suis non habet possibile.*  
 h) *Vel tempus est.*  
 i) *Id est, vitam.*  
 l) *Hoc est, licet vel possumus.*  
 m) *Bonis nimirum actibus, ut supradictum, vel in stadio perfectionis.*

7. JAN. 8. MAJI. 7. SEPTEMB.

**C**onstituenda est ergo à nobis Domini Schola *servitii a*; in qua institutione nihil asperum, nihilque grave nos constituturos speramus. Sed & si quid paululum restrictius *b*, dictante æquitatis ratione, propter emendationem vitiorum & conservationem charitatis processerit *c*, non illico *d* pavore perterritus



ritus, refugias vitam salutis, quæ non est nisi angusto initio accipienda e: processu verò conversationis & fidei f, dilatato g corde, inenarrabili dilectionis dulcedine curritur via mandatorum Dei, ut ab ipsius h magisterio nunquam discedentes, in ejus doctrinâ usque ad mortem in Monasterio perseverantes, passionibus Christi per patientiam participemur i, ut & regni ejus mereamur esse consortes. l

a) Scholæ hujus supremus Magister est Christus, alter S. BENEDICTUS, tertius Abbas, ac deinde cæteri Superiores: Discipuli sunt Monachi, ac soli quidem Cœnobitæ, ex cap. I. Regulæ: Lectiones sunt variæ: Prima ipsius Regulæ juxta cap. 66. Secunda lectio Divina, seu spiritualis, juxta cap. 48. Tertia lectio mensalis, juxta cap. 38. Quarta lectio collationis, juxta cap. 42. Quinta denique lectio Philosophica & Theologica, ex Decreto Benedicti XII. &c. Lectiones hæ omnes eò collimant, ut rite discamus Domino Deo servire.

b) Id



- b) *Id est severius.*  
 c) *Subaudi, hæc institutio.*  
 d) *Sive non statim.*  
 e) *Vel incipienda.*  
 f) *Id est, quò diutius in religioso instituto firmâ cum fide & fiducia in Deum versamur.*  
 g) *Id est, hilari.*  
 h) *Intellige, Dei.*  
 i) *Alia lectio: participemtis, seu participes fiamus.*  
 l) *Idem.*

8. JAN. 9. MAJI. 8. SEPTEMB.

Incipit Regula Ss. Patris nostri

B E N E D I C T I.

C A P U T I.

*De generibus vel vitâ Monachorum.*

**M**onachorum a quatuor esse genera b, manifestum est. Primum Cœnobitarum c, hoc est Monasteriale, militans sub Regulâ vel d Abbate. Deinde